

# Odredbe o raspolaganju

## Zaposlenici

U slučaju prestanka radnog odnosa imate pravo na raspolaganje ili isplatu uz ispunjenje sljedeća dva uslova:

1. Za vas su se **najmanje 36 mjeseci** uplaćivali doprinosi (neovisno o broju radnih odnosa – periodi se zbrajaju).[Luz.to](#)
2. je radni odnos prekinut zbog jednog od sljedećih razloga:
  - **prekid radnog odnosa od strane poslodavca**
  - **sporazumni raskid**
  - opravdani prijevremeni raskid radnog odnosa
  - istek vremena
  - porodijsko odsustvo
  - otkaz zaposlenika tokom rada s nepunim radnim vremenom prema Zakonu o zaštiti majčinstva (MSchG) ili Zakonu o roditeljskom odsustvu za očeve.

Opća mogućnost isplate postoji ako

- se 5 godina nisu uplaćivali doprinosi u austrijski fond za osiguranje (npr. zbog preseljenja u inostranstvo ili prelaska na samozapošljavanje) ili
- pri odlasku u penziju.

Ako pri prestanku radnog odnosa ne postoji pravo na raspolaganje, dosad uplaćeni doprinosi se i dalje ulažu u fond za osiguranje sve dok se ne ispune preduslovi za raspolaganje.

## Samozaposlene osobe

Pravo na raspolaganje postoji uz ispunjenje sljedeća dva uslova:

- **Najmanje 36 mjeseci** uplaćivali su se doprinosi u osiguranje za samozaposlene osobe te su dodatno
- **morale proći dvije godine** od kraja obaveze plaćanja doprinosa u osiguranje za samozaposlene (npr. pri mirovanju ili prekidu djelatnosti).

Opća mogućnost isplate postoji ako

- se 5 godina nisu uplaćivali doprinosi u austrijski fond za osiguranje (npr. zbog preseljenja u inostranstvo ili prelaska u radni odnos) ili
- pri odlasku u penziju.

## Penzija ili navršavanje dobi za penzionisanje

Pravo na raspolaganje ostvarujete ako

- u trenutku prestanka radnog odnosa navršite dob za **prijevremenu starosnu** penziju iz zakonskog penzionog osiguranja ili dob za „koridornu” penziju ili
- ako ste prekinuli radni odnos i ostvarili pravo na **zakonsku starosnu penziju**

Ako ste uprkos penziji zaposleni (po manjoj osnovici), pravo na raspolaganje postoji pri prestanku radnog odnosa neovisno o razlogu prestanka.

## Smrtni slučaj

U slučaju smrti korisnika prava, iznos ušteđen kod BONUS-a pripada u jednakim dijelovima (bračnom/oj) partneru/ici / registriranom/oj partneru/ici i djeci za koju postoji obaveza uzdržavanja, a za koju se prima doplatka za djecu. U smrtnom slučaju, osobe koje ostvaruju pravo se moraju u roku od 3 mjeseca obratiti BONUS-u u vezi s isplatom kapitala. Nakon isteka ta 3 mjeseca, BONUS vrši isplatu umanjenu za zakonski porez na dohodak od 6 % svim osobama koje ostvaruju pravo i koje su unutar tog perioda BONUS-u podnijele zahtjev. Ako ne postoje osobe koje ostvaruju pravo ili ako u roku od 3 mjeseca ne uslijedi prijava, ušteđeni iznos ulazi u ostavinu.

## Kako i kada možete raspolagati ušteđenim iznosom

Čim steknete pravo na raspolaganje, krovni savez nosioca socijalnog osiguranja o tome obavještava BONUS koji vam u roku od 2 sedmice šalje informaciju o vašim mogućnostima raspolaganja.

Ako želite raspolagati ušteđenim iznosom, to možete učiniti u roku od **6 mjeseci**. **Imajte na umu da će se nakon isteka roka od 6 mjeseci ušteđeni iznos i dalje ulagati te da pravo na raspolaganje ponovo postoji tek kod ponovnog ispunjenja preduslova.**

Iznosom možete raspolagati direktno i sigurno putem portala za klijente, putem e-pošte ili poštanskim putem. Isplata/ prijenos ušteđenog iznosa u pravilu se vrši u roku od 4 do najviše 6 sedmica od prijema vašeg zahtjeva za raspolaganje.

## Prijenos iz drugih fondova za osiguranje u BONUS

Uštedeni iznos kod drugih fondova za osiguranje možete besplatno prenijeti u BONUS.

Ako želite prijenos u BONUS, ispunite naš obrazac za spajanje računa i pošaljite nam ga zajedno s kopijom ličnog dokumenta na [kundenservice@bonusvorsorge.at](mailto:kundenservice@bonusvorsorge.at)

Preduslov za prijenos je

- da se u BONUS trenutno uplaćuju doprinosi iz osiguranja zaposlenika ili osiguranja za samozaposlene osobe i
- da se u drugi fond ili druge fondove za osiguranje doprinosi ne uplaćuju već najmanje 3 godine.

### Imate sljedeće opcije raspolaganja svojim novcem i možete odabrati jednu od opcija:

<p><b>1. Nastavak ulaganja bez poreza na kapitalnu dobit u fondu BONUS Vorsorgekasse AG</b></p>	<p>S vaše strane u ovom slučaju nije potrebna nikakva povratna informacija. Nastavit ćete redovno primati informacije o trenutnom stanju svojih sredstava, a u slučaju ponovne mogućnosti raspolaganja, opet ćemo vas o tome obavijestiti.</p> <p>Odlaskom u starosnu penziju daljnje ulaganje više nije moguće, a uštedeni vam se iznos u tom trenutku isplaćuje po sili zakona.</p>
<p><b>2. Prijenos u novi fond za osiguranje</b></p>	<p>Cjelokupni uštedeni iznos (uključujući rezultat ulaganja) se prenosi bez naknade u vaš trenutni fond za osiguranje.</p>
<p><b>3. Prijenos sredstava osiguravajućem društvu</b></p> <ul style="list-style-type: none"> <li>- kolektivno penziono osiguranje</li> <li>- dodatno penziono osiguranje</li> </ul>	<p>moguće je samo u slučaju postojanja osiguranja u okviru kolektivnog osiguranja zaposlenika ili kao</p> <p>jednokratna premija za dodatno penziono osiguranje prema čl. 108b Zakona o porezu na dohodak (EStG).</p>
<p><b>4. Prijenos sredstava fondu za penziono osiguranje</b></p>	<p>moguć samo ako imate pravo na davanja iz penzionog fonda.</p>
<p><b>5. Isplata</b></p> <ul style="list-style-type: none"> <li>- na žiroračun</li> <li>- poštanskom uputnicom</li> </ul>	<p>U slučaju isplate zadržava se zakonski porez na dohodak od 6% te se uplaćuje nadležnoj poreznoj upravi.</p> <p>Doznake izvan SEPA područja se mogu izvršiti tek od <b>minimalnog iznosa od 15,00 EUR</b> i to samo uz navođenje IBAN i BIC koda.</p> <p><b>Unutar SEPA područja</b> → bez naknade  <b>Izvan SEPA područja</b> → naknadu koju obračunava matična banka snosi primalac</p> <p>moguće samo unutar Austrije i samo za iznose od 10,00 EUR naviše.          Troškove dostave poštom u iznosu od 9,00 EUR snosi primalac.</p>

**Imate li još pitanja?  
U tom slučaju nam se obratite!**

BONUS Vorsorgekasse AG  
Traungasse 14-16, 1030 Wien

+43 1 994 99 74

 [kundenservice@bonusvorsorge.at](mailto:kundenservice@bonusvorsorge.at)

 [vk-portal.bonusvorsorge.at](https://vk.com/portal.bonusvorsorge.at)